

BOSNA I HERCEGOVINA
Ministarstvo komunikacija i prometa
Direkcija za civilno zrakoplovstvo

A

C

D

H

B

**PRAVILNIK O UVJETIMA I NAČINU
STICANJA, IZDAVANJA,
OBNAVLJANJA I PRODUŽAVANJA
DOZVOLA I OVLAŠTENJA
ZRAKOPLOVNOM OSOBLJU -
PILOTIMA AVIONA**



BHDCA

Datum: 23. septembra 2004.godine
Referentni broj: 02-292.6-1252/04
Jezik: bosanski

Na osnovu člana 61. stav 1. i člana 16. Zakona o upravi ("Službeni glasnik BiH, broj 32/02), člana 6. st. 1. i 3. člana 7. stav 2. Zakona o zrakoplovstvu BiH ("Službeni glasnik BiH", broj 2/04), generalni direktor Direkcije za civilno zrakoplovstvo Bosne i Hercegovine donosi

PRAVILNIK

O UVJETIMA I NAČINU STICANJA, IZDAVANJA, OBNAVLJANJA I PRODUŽAVANJA DOZVOLA I OVLAŠTENJA ZRAKOPLOVNOM OSOBLJU - PILOTIMA AVIONA

Područje primjene

Član 1.

Ovim Pravilnikom se propisuju uvjeti i način sticanja, izdavanja, obnavljanja i produžavanja važenja dozvole i ovlaštenja pilota aviona, programi za stručno osposobljavanje, provjeru i utvrđivanje stručne sposobnosti i uvjeti koje moraju ispunjavati pravna lica koja obavljaju stručno osposobljavanje pilota aviona.

Pojmovi

Član 2.

Pojmovi koji se upotrebljavaju u ovom Pravilniku imaju sljedeće značenje:

- 1) *zajedničke zrakoplovne vlasti (Joint Aviation Authorities - JAA)*; pridruženi organ Evropske konferencije za civilno zrakoplovstvo (European Civil Aviation Conference - ECAC) sastavljene od predstavnika organa nadležnih za donošenje propisa iz oblasti civilnog zrakoplovstva država članica.
- 2) *država članica JAA (JAA Member States)*; država koja je potpisnica Sporazuma o razvoju, prihvatanju i provođenju zajedničkih zrakoplovnih propisa (Joint Aviation Regulations - JAR) koji je zaključen na Kipru, 11. septembra 1990. godine.
- 3) *zajednički zrakoplovni propisi o izdavanju dozvola zrakoplovnom osoblju (Joint Aviation Regulations - Flight Crew Licencing - JAR FCL)*; skup zrakoplovnih propisa o uvjetima i načinu sticanja dozvola i ovlaštenja članova letачke posade. JAR FCL 1 sadrži propise o izdavanju dozvola članovima letачke posade - pilotima aviona.
- 4) *nadležni organi (Authorities)*; organi u čijoj su nadležnosti upravni i stručni poslovi iz oblasti zračnog saobraćaja u Bosni i Hercegovini su: Direkcija za civilno zrakoplovstvo BiH, Federalna direkcija za civilnu avijaciju, Direkcija za civilnu vazdušnu plovību RS, (u daljem tekstu: BH DCA, FED CAD, RS CAD)
- 5) *dozvola pilota aviona (pilot licence - airplane)*; dokument na osnovu koga se imaocu dozvoljava obavljanje poslova člana letачke posade u pilotskoj kabini aviona u skladu sa ovlaštenjima iz dozvole i u zavisnosti od vrste dozvole koju imalac posjeduje.
- 6) *organizacija za letачku obuku (Flight Training Organisation - FTO)*; pravno lice, ovlašteno za provođenje stručnog osposobljavanja za sticanje pilotskih dozvola i ovlaštenja.
- 7) *organizacija za osposobljavanje za tip (Type Rating Training Organisation - TRTO)*; pravno lice, ovlašteno za provođenje stručnog osposobljavanja za sticanje ovlaštenja za tip.

Dozvole i ovlaštenja

Član 3.

- 1) Dozvole i ovlaštenja piloti aviona se stiču, produžavaju ili obnavljaju u skladu s odredbama ovoga Pravilnika.

2) Uvjeti i načini sticanja, izdavanja, obnavljanja i produžavanja važenja dozvole i ovlaštenja pilota aviona dati su u Sekcija 1 JAR FCL 1, a Prihvatljivi načini ispunjenja (AMC) i Priručniku sa tumačenjima i objašnjenjem u Sekciji 2 JAR FCL 1.

3) Propisi JAA, JAA Administrative and Guidance Material, Section Five: Personnel Licensing i zahtjevi ostalih JAR dokumenata na koje upućuju odredbe ovog pravilnika, primjenjivaće se kao preporučena praksa do donošenja propisa ili instrukcija koja će regulisati tu materiju.

Stručno osposobljavanje

Član 4.

1) Stručno osposobljavanje članova letачke posade - pilota aviona mogu obavljati organizacije za letачku obuku (FTO) i organizacije za osposobljavanje za tip (TRTO) koje ispunjavaju propisane uslove i koje ovlasti nadležni organ.

2) Organizacije za letачku obuku (FTO) za sticanje pilotskih dozvola Organizacije za osposobljavanje za tip (Type Rating Training Organisation - TRTO) moraju ispunjavati uslove iz JAR FCL 1 Sekcija 1 i 2.

Programi za stručno osposobljavanje

Član 5.

1) Stručno osposobljavanje za sticanje dozvola, ovlaštenja i posebnih ovlaštenja obavlja se prema programima koje odobri nadležni organ.

2) Organizacije za letачku obuku (FTO) i organizacije za osposobljavanje za tip (TRTO) dužne su utvrditi i napraviti programe iz stava (1) ovoga člana u skladu sa programima iz Sekcije 2 JAR FCL 1- Prihvatljivi načini ispunjenja (AMC) i Priručnik s tumačenjem i objašnjenjima (IEM).

3) Za izmjenu ili dopunu odobrenog programa potrebna je saglasnost nadležnog organa.

4) Organizacija za letачku obuku (FTO) odnosno organizacije za osposobljavanje za tip (TRTO) nije dužna obavijestiti nadležni organ o manjim promjenama u odobrenom programu za obuku koje se odnose na dnevne operacije, u skladu s odredbama ovoga Pravilnika.

Tumačenje

Član 6.

U slučaju nejasnoća, različitog tumačenja ili izmjena i dopuna odredaba odredaba iz JAR FCL 1 Sekcija 1 i Sekcija 2 ovoga Pravilnika koristiti će se izvorni propis JAR-FCL 1 na engleskom jeziku.

Prelazne i završne odredbe

Član 7.

1) Pravilnik o stručnoj spremi, ispitima i dozvolama za rad članova posade zrakoplova ("Službeni list SFRJ", broj 2/80) i Pravilnik o uvjetima koje mora ispunjavati škola ili školski centar za obuku zrakoplovnog osoblja ("Službeni list SFRJ", broj 72/91) u dijelu koji se odnosi na materiju regulisanu ovim Pravilnikom, ostaju na snazi i nakon stupanja na snagu ovoga Pravilnika.

2) Primjena propisa iz stava 1. ovog člana trajaće u periodu od 12 mjeseci, i primjenjivaće se propis koji je povoljniji za podnosioca zahtjeva.

3) Nakon perioda iz stava 2. ovog pravilnika, za svako odstupanje od primjene ovog Pravilnika biće potrebna posebna saglasnost Direkcije za civilno zrakoplovstvo Bosne i Hercegovine za naredni period od 24 mjeseca.

4) Nakon isteka perioda iz prethodnog stavka ovog člana Pravilnik o stručnoj spremi, ispitima i dozvolama za rad članova posade zrakoplova ("Službeni list SFRJ", broj 2/80) i Pravilnik o uvjetima koje mora ispunjavati škola ili školski centar za obuku zrakoplovnog osoblja ("Službeni list SFRJ", broj 72/91) u dijelu koji se odnosi na materiju regulisanu ovim Pravilnikom, će se u potpunosti staviti van snage.

Član 8.

Ovaj Pravilnik stupa na snagu osmog dana od dana objavljivanja u "Službenom glasniku BiH"

Pravilnik objaviti u službenim glasilima entiteta.

Prevodi JAR FCL 1 biće naknadno objavljeni u publikaciji Direkcije za civilno zrakoplovstvo BiH.

Broj 02-292.6-1252/04
23. septembra 2004.godine
Sarajevo

Generalni direktor
Dorđe Ratkovića, s. r.
